

中國方志叢書·華中地方·第五七一號


據

明·韓晟修，毛一鷺等纂
明萬曆四十年修鈔本

影印

浙江省

遂安縣志



sk22/110

成文出版社有限公司印行



10097706

中華民國七十二年三月臺一版

遂安縣志 全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（〇）（五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第 145 號

重修遂安縣志序
明興以來迄於今

上乙亥吾邑之志凡三修矣至是復
重修焉爲政者博羅嵩少韓侯也
侯精於史學又具足史材下車卽
問民疾苦辨土宜覈租賦勸學興
禮飭干掇而景高山日以其所已

行者彙爲政攷義壹稟於春秋蓋
居然登作者壇建旗鼓而辟易荀
范諸家矣旣乃簡師儒資館穀討
邑志而增損之俾成一家言藏諸
名山而聘吾家侍御爲祭酒事竣
則屬余爲之序余惟天下大矣
六合而歷數之以至於一邑

啻糈米之在太倉然而陵谷不能
無變遷土田不能無壞墉建置不
能無沿革戶口不能無登耗賦役
不能無重輕禮樂不能無興廢兵
刑不能無張弛官師人物不能無
良桡天下猶是鄰國猶是十室之
邑亦猶是而何可以不志且夫志

所從來遠矣九丘其權輿乎嗣後
班孟堅以彙志陳承祚以國志而
志郡邑者實昉焉雖然晉乘楚枕
業已濫觴獨春秋在魯得進與詩
書鼎足者則以義經聖人之取耳
要以事猶桓文文猶史也吾夫子
雖有所筆削亦僅如詩書二經稍

加刪定而禮樂征伐之是非固已
粲然指掌夫豈屑屑焉竄易其文
裒諱其事而後乃始稱義哉後世
求其義而不得則爲凡例變例條
例名例以商略而隱括焉此夫以
已意窺天者爾今夫天確然示人
至易已而星官曆師各以一察占

之占之而時有驗也輒侈然以知
天自詫庸詎知天固未嘗以難示
人也邪故夫秉史筆者政不必字
比句櫛一一摹倣聖人而第於事
欲核核則可徵於文欲確確則可
傳於義欲當當則可訓修斯三者
而不朽之業在是矣何論國史何

論邑志哉蓋侯之論春秋者曰筆削一因舊文未嘗意爲衮鉞有味哉其深達聖人竊取之旨者乎余故因以春秋質焉於戲學如侯材如侯持論如侯則茲志也信可以垂不朽矣是爲序 崧

萬曆壬子仲冬中浣之吉

賜進士第文林郎工科給事中邑人
毛一公撰

遂安縣志序

古侯國各有史掌書國中之事
以達於王故周禮曰凡四方之
事書內史讀之是也內史讀四
方事書則諸侯國史藏於史官
可知今之郡邑志猶古之國史

也。即不專設而兼以賢士大夫
值

詔。今偶用蒐羅之猶古藏史於朝
之意。志安可缺哉。夫志也者。志
也。志是事而欲善之。以有所取
義。則作者之志也。嚴郡開始。係

吳其事則詩書春秋國語史記
所不載其取義惟是紹明世繼
春秋本詩書禮樂之際而竊以
焉者亦曰姑以存文獻耳不佞
於郡志業從當時追足既往其
載在諸邑者久或時有潤畧間

多穢集會與遂安韓令及此令
雅志載脩遂用敦禮侍御毛先
生暨博士弟子開局延訪不曹
校讐法數旬而成為卷四為目
六十有奇備矣迺增飭四十年
編帙僅半之何反約也文中子

曰記煩者志寡。舍之悲不離人
與事耳。一字而是。又寧必缺。
春葩卑詞。果核狀豈。須連章累
牘。志之義微。笑微必其智足。以
通其義。以發而後其志可
而見也。夫官分野。封疆道里。以

逮食貨土田等類即亡褒貶是
非而辨方正位體國經野之每
倚為左證則志安在其可意會
之而漫譚之也是編也名實相
曰體文兼備曰朱志之畧者而
詳矣吳志之繁者而簡非侍御

之質無三長無能靈象兎穎非
令之志足千秋無能擅握牛耳
信賢士大夫相與以有成也紹
明世繼春秋本詩書禮樂之際
意在斯乎

萬曆壬子仲冬